



**Republika e Kosovës**  
**Republika Kosovo-Republic of Kosovo**  
**Qeveria - Vlada - Government**  
*Ministria e Administrimit të Pushtetit Lokal*  
*Ministarstvo Administracije Lokalne Samouprave*  
*Ministry of Local Government Administration*

Datë. 08/08/2012  
Nr. 0203 -892

**PËR: Haki Rugova, Kryetar i Komunës së Istogut**  
**Demë Çeta, Kryesues i Kuvendit të Komunës së Istogut**

**LËNDA: KONFIRMIM I LIGJSHMËRISË SË RREGULLORES TË KOMUNËS SË ISTOGUT**  
**Pranuar me datë, 06/08/2012**

Të nderuar/a

Ministria e Administrimit të Pushtetit Lokal, në përputhje me mandatin e saj të përcaktuar me Ligjin për Vetëqeverisje Lokale Nr. 03/L-040, shtojcën XII të Rregullores Qeveritare 02/2011 për Fushat dhe përgjegjësitë administrative të Zyrës së Kryeministrit Ministrive, pas shqyrtimit të Rregullores së miratuar me datë 30/07/2012, **KONFIRMON** ligjshmërinë e këtij akti dhe vlerëson se e njëjta është në harmoni me Ligjin për Vetëqeverisje Lokale.

Aktet juridike të listuar si vijon, kanë efekt të plotë juridik.

- Rregulloren për Organizimin dhe Bashkëpunimin e Komunës me Fshatrat, Vendbanimet dhe Lagjet Urbane në Territorin e Komunës së Istogut.

Me respekt,

**Slobodan Petrović,**  
**Zëvendës Kryeministër dhe Ministër i MAPL,**

**Kopje: Besnik Osmani, Sekretari i Përgjithshëm në MAPL-së**  
**Drejtoreve të Departamenteve dhe Zyrave**  
**Arkivit të MAPL-së.**



**Republika e Kosovës**  
**Republika Kosovo-Republic of Kosovo**  
**Qeveria - Vlada - Government**  
*Ministria e Administrimit të Pushtetit Lokal*  
*Ministarstvo Administracije Lokalne Samouprave*  
*Ministry of Local Government Administration*

Dana. 08/08/2012  
Br. 0203 -892

**Za: Haki Rugova, Gradonačelnik Opštine Istok**  
**Demë Çeta, Predsedavajući Skupštine Opštine Istok**

**PREDMET: Potvrda zakonitosti opštinske uredbe Opštine Istok**  
**Priljeno dana, 06/08/2012**

Poštovani-a

Ministarstvo administracije Lokalne samouprave, u skladu sa svojim mandatom odredjenom po Zakonu za lokalnu samoupravu Br. 03/L-040, dodatak XII Vladine Uredbe 02/2011 o poljima administrativne odgovornosti kancelarije Premijera i Ministarstva, posle razmatranja usvojene Uredbe dana 30/07/2012, **POTVRDJUJE zakonitost ovoga akta i ocenjuje da je ista u skladu sa Zakonom za lokalnu samoupravu .**

Pravni Akt naveden u nastavku,ima puni pravni efekat .

- Uredba o Organizovanju i saradnji opštine sa selima i urbanim naseljima na teritoriji opštine Istok .

S poštovanjem,

**Slobodan Petrović,**  
**Zamenik Premijera i Ministar MALS,**

**Kopija: Besnik Osmani, Generalni Sekretar u MALS-e**  
**Direktorima uprava i kancelarija**  
**Arhivu MALS.**





Republika e Kosovës  
Republika Kosova  
Republic of Kosovo

REPUBLIKA E KOSOVES KOMUNA E ISTOGUT  
REPUBLICA KOSOVO OPSTINA ISTOK

|                                 |            |                   |                   |
|---------------------------------|------------|-------------------|-------------------|
| Pranuar<br>Prilbje 06. 08. 2012 |            |                   |                   |
| Drejtori<br>Direktor            | Nr.<br>Br. | Stenoja<br>Prilog | Vlera<br>Vrednost |
|                                 |            | 01-06-1819        |                   |



Komuna e Istogut  
Opština Istok  
Istog Municipality

|                                                                                                                                                 |              |         |       |
|-------------------------------------------------------------------------------------------------------------------------------------------------|--------------|---------|-------|
| KASE-ULAZNA-INCOMING                                                                                                                            |              |         |       |
| REPUBLIKA E KOSOVES REPUBLICA KOSOVA REPUBLIC OF KOSOVO                                                                                         |              |         |       |
| Ministria e Administrimit të Pushtetit Lokal<br>Ministarstvo Lokalne Samouprave i Administracije<br>Ministry of Local Government Administration |              |         |       |
| Data<br>Datum                                                                                                                                   | 06. 08. 2012 |         |       |
| Data<br>Date                                                                                                                                    |              |         |       |
| Kyble organizative                                                                                                                              | Nr. i Lëndes | Stenoja | Vlera |
| - III -                                                                                                                                         | 0203-892     | 1       |       |

KRYETARI/PREDSIEDNIK/MAYOR

|                        |                                                                          |
|------------------------|--------------------------------------------------------------------------|
| DATE/DANA:             | 02.08.2012                                                               |
| REFERENCE/PREPORUKA    | 01 Nr.207/12                                                             |
| PER/ZA/TO:             | z.Agron Maxhuni, Drejtor i departamentit ligjor në<br>MAPL-së, Prishtinë |
| CC:                    |                                                                          |
| PERMES/PREKO/TIROUGJI: |                                                                          |
| NGA/OD/FROM:           | z.Haki Rugova, Kryetar                                                   |
| TEMA/SUBJEKAT/SUBJECT: | Shqyrtimi i ligjshmërisë                                                 |



I nderuari Drejtor,

Në pajtim me nenin 80 dhe 81 të Ligjit Nr.023/I-40, për vetëqeverisjen lokale ("Gazeta Zyrtare e Republikës së Kosovës", nr.28/2008), shtojcës 12 të Rregullores nr.02/2011 për fushat e përgjegjësisë administrative të Zyrës së Kryeministrit dhe Ministrive dhe nenit 11 të Udhëzimit administrativ nr.2008/4 për ndryshimin e udhëzimit administrativ nr.2005/7 "për zbatimin e përgjegjësisë të MAPL-së në lidhje me monitorimin e Komunave", po ju dërgojmë: Rregulloren për organizimin dhe bashkëpunimin e komunës fshatrat, vendbanimet dhe lagjet urbane në territorin e komunës së Istogut dhe dy Vendime të Kuvendit të Komunës, për shqyrtim të ligjshmërisë së të njëjtave.

Bashkëngjitur kësaj shkrese keni:

- Rregulloren për organizimin dhe bashkëpunimin e komunës fshatrat, vendbanimet dhe lagjet urbane në territorin e komunës së Istogut;
- Vendimi për miratimin e KABK-së për vitet 2013-2015
- Vendimin për shpalljen e diskutimit publik për Projekt-Rregulloren për organizimin e brendshëm të administratës komunale

Me respekt.



**Republika e Kosovës**  
Republika Kosovo  
Republic of Kosovo



**Komuna e Istogut**  
Opština Istok  
Municipality of Istog

01 Numër: 31/12  
data: 30.07.2012

**Rregullorja Komunale Nr.3/2012**

## **KUVENDI I KOMUNËS ISTOG**

### **RREGULLORE PËR ORGANIZIMIN DHE BASHKËPUNIMIN E KOMUNËS ME FSHATRAT, VENDBANIMET DHE LAGJET URBANE NË TERITORIN E KOMUNËS SË ISTOGUT**

**Istog, Korrik 2012**

Në bazë të nenit 11, nenit 12, paragrafi 12.2 pika c, në bazë të nenit 34, paragrafi 34.4 të Ligjit Nr. 03/L-040 për Vetëqeverisjen Lokale, Udhëzimit Administrativ të MAPL nr. 2008/08, për organizimin dhe bashkëpunimin e komunës me fshatrat, vendbanimet dhe lagjet urbane, dhe nenit 14 të Statutit të Komunës së Istogut, nr. 62/10, Kuvendi i Komunës së Istogut në mbledhjen e mbajtur më 30.07.2012 miraton:

**R R E G U L L O R E N**  
**P Ë R**  
**ORGANIZIMIN DHE BASHKËPUNIMIN E KOMUNËS ME**  
**FSHATRA, VENDBANIMET DHE LAGJET URBANE**  
**NË TERRITORIN E KOMUNËS SË ISTOGUT**

**Neni 1**  
**Qëllimi**

Kjo rregullore ka për qëllim të rregullojë organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës, në ushtrimin e aktiviteteve që janë ekskluzivisht në kompetencë vetanake të komunave, të përcaktuara në bazë të ligjit për vetëqeverisjen lokale.

**Neni 2**  
**Fushëveprimi**

Kjo rregullore rregullon mënyrën e organizimit dhe bashkëpunimit midis komunës, fshatrave, vendbanimeve dhe lagjeve urbane duke formuar këshillat lokale si trupa mbështetës të organeve të komunës, dhe që ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimarrjes.

**Neni 3**  
**Numri i fshatrave, vendbanimeve dhe lagjeve urbane të Komunës**

1. Për të realizuar sa ma mirë funksionet dhe përgjegjësitë e parapara me ligjin për vetëqeverisje lokale, Komuna e Istogut do të mbështesë zgjedhjen e këshillave lokale të fshatrave, vendbanimeve dhe lagjeve urbane dhe kryetarët e këshillave lokale.
2. Në pamundësi që në çdo fshat, vendbanim dhe lagje urbane të zgjedhen këshillat lokale, atëherë një këshill lokal mund të përfshijë një e më tepër fshatra, vendbanime apo lagje urbane.



3. Numri i këshillave lokale të fshatrave, vendbanimeve formale dhe joformale dhe lagjeve urbane do të paraqiten në listë të veçantë, shtojca nr 1, që do të jetë pjesë përbërse e kësaj rregulloreje.

#### Neni 4

#### Formimi i komisioneve nga Kuvendi i Komunës për zgjedhjen e këshillave lokale

1. Kuvendi i Komunës emëron një komision për të udhëhequr dhe koordinuar punën në teren për zgjedhjen e këshillave lokale. Komisioni në përberjen e tij duhet të ketë nga një anëtar nga secili subjekt politik i përfaqësuar në Kuvendin e Komunës, një anëtar nga ekzekutivi, një nga shoqëria civile dhe një nga përfaqësuesit e fshatit, vendbanimit apo lagjes urbane. Kryesues i komisionit zgjedhet njëri nga anëtarët e komisionit.
2. Komisioni i emëruar nga Kuvendi i Komunës duhet të jetë përgjegjës për caktimin e periudhës kohore të mbajtjes së tubimeve të qytetarëve, për zgjedhjen e anëtarëve të këshillave lokale dhe kryetarëve të këshillave lokale të fshatrave, vendbanimeve dhe lagjeve urbane.
3. Komisioni i emëruar nga Kuvendi i Komunës dhe përfaqësuesit e fshatrave, vendbanimeve dhe lagjeve urbane, bashkëpunojnë në mënyrë që të organizojnë zgjedhjen e anëtarëve të këshillave lokale dhe kryetarëve të këshillave lokale.
4. Komisioni i emëruar nga Kuvendi i Komunës, nëpërmjet zyrës për informim, informon qytetarët 15 ditë para datës së mbajtjes së tubimit të qytetarëve për zgjedhjen e këshillave lokale, përmes:
  - 4.1.shpalljeve publike të vendosura në objektet publike dhe vendet më të frekuentuara brenda territorit ku mbahen tubimet ku do të zgjedhen këshillat lokale;
  - 4.2.mediave lokale;
  - 4.3.web – faqes zyrtare të komunës.
5. Njoftimi i publikut domosdo duhet të përmbajë:
  - 5.1 rendin e ditës;
  - 5.2 datën;
  - 5.3 kohën;
  - 5.4 vendin e mbajtjes së tubimit.

6. Pas përfundimit të procesit zgjedhor të këshillave lokale dhe kryetarëve të këshillave lokale, Komisioni i formuar nga Kuvendi i Komunës pushonë aktivitetin e tij.

#### Neni 5

##### Formimi i këshillave lokale dhe kriteret e përzgjedhjes

1. Këshilli lokal i fshatit, vendbanimit apo lagjes urbane mund të ketë prej 5 deri në 7 anëtarë. Numri i saktë i anëtarëve për secilin këshill lokal përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.
2. Përbërja e këshillave lokale të fshatit duhet të reflektojë përbërjen etnike dhe gjinore. Përfaqësimi gjinor duhet të përfshijë minimum 30%. Në rast se në fshat, vendbanim apo lagje urbane, jetojnë pjesëtarë të komuniteteve jo shumicë, duhet të jenë të përfaqësuar në këshillin lokal.
3. Tubimin e qytetarëve e udhëheq një përfaqësues i fshatit i zgjedhur nga shumica e pjesëmarrësve në tubimin zgjedhor.
4. Fshatrat, vendbanimet dhe lagjet urbane të komunës zgjedhin anëtarët e këshillit lokal, me rastin e tubimit të qytetarëve, që mbledh të gjithë banorët e interesuar të fshatit, vendbanimit apo lagjes urbane.
5. Zgjedhja mund të bëhet përmes votimit të hapur apo votimit të fshehtë në tubimin e qytetarëve. Votimi i fshehtë mund të propozohet nga çdo qytetar që merr pjesë në takim nëse përkrahet nga 1/3 e pjesëmarrësve që marrin pjesë në tubim.
6. Kandidatët për anëtarë të këshillave lokale duhet të jenë qytetarë të përhershëm në atë lokalitet.
7. Kandidatët për pozita të anëtarëve të këshillit lokal apo kryetarëve të këshillit lokal, duhet të kandidohen si qytetarë e jo në emër të ndonjë partie politike.
8. Për anëtarë të këshillave lokale të fshatrave, vendbanimeve apo lagjeve urbane, zgjedhen kandidatët të cilët fitojnë numrin më të madh të votave nga numri i përgjithshëm i banorëve të fshatit, vendbanimit apo lagjes urbane që janë prezent në tubimin zgjedhor.
9. Kryetari i këshillit lokal zgjedhet në mes të anëtarëve të këshillit lokal të fshatit, vendbanimit apo lagjes urbane i cili fiton shumicën e votave të qytetarëve që marrin pjesë në atë tubim. Nëse në rrethin e parë të votimit asnjëri nga kandidatët nuk ka fituar shumicën e votave atëherë organizohet rrethi dytë i



votimit dhe kandidati që merr më shumë vota zgjedhet për kryetar të këshillit lokal.

10. Anëtarët dhe kryetarët e këshillave lokale të fshatit, vendbanimit apo lagjes urbane, zgjedhen me mandat 3 vjeçar.
11. Së paku tre anëtar të komisionit duhet të jetë prezent në të gjitha tubimet zgjedhore që organizohen për zgjedhjen e këshillave lokale.

#### Neni 6

**Ndërprerja dhe pushimi i mandatit të anëtarëve dhe kryetarëve të këshillave lokale**

1. Në rastet kur qytetarët konsiderojnë që anëtarët ose kryetari i këshillit lokal nuk i kanë përmbushë obligimet që dalin nga kjo rregullore, anëtarët dhe kryetari i këshillit lokal mund të shkarkohen me shumicë të votave të banorëve të fshatit, vendbanimit apo lagjes urbane me rastin e tubimit publik me qytetarë.
2. Në mënyrë që të bëhet ky votim, kërkohet një peticion për ndërprerjen e mandatit që duhet të nënshkruhet nga banorët e fshatit, vendbanimit apo lagjes urbane. Ky peticion duhet të mbledh nënshkrimet e më shumë se gjysma e numrit të pjesëmarrësve nga takimi ku është zgjedhur këshilli lokal. Komuna duhet të lajmërohet paraprakisht për një mbledhje të tillë.
3. Në rastet kur këshilli lokal shkarkohet sipas procedurave në paragrafin 2, një votim i ri duhet menjëherë të bëhet në bazë të procedurave të nenit 5 të kësaj rregulloreje në mënyrë që të zgjidhet një këshill i ri lokal. Rezultatet e votimit duhet të raportohen në bazë të kërkesave të nenit 6 të kësaj rregulloreje.
4. Mandati i kryetarëve dhe anëtarëve të këshillave lokale përfundon:
  - 4.1 me kryerje të mandatit;
  - 4.2 nëse vdes;
  - 4.3 nëse jep dorëheqje;
  - 4.4 nëse ndërrohet vendbanim;
  - 4.5 nëse shkarkohet.

#### Neni 7

**Procesverbali nga tubimi zgjedhor**

1. Procesverbali i hartuar nga tubimi i qytetarëve, duhet të përshkruajë: numrin e qytetarëve që kanë marrë pjesë në tubim, të dhënat për zgjedhjen e anëtarëve dhe kryetarëve të këshillave lokale, procedurat e votimit dhe çështje të tjera të adresuara në takim.



2. Procesverbalin e nënshkruan kryesuesi i tubimit, anëtarët e komisionit dhe procesmbajtësi, ndërsa komisioni i përcaktuar sipas nenit 4 të kësaj rregulloreje i raporton Kuvendit të Komunës për rrjedhën e tubimeve, për zgjedhjen e këshillave lokale të fshatit, vendbanimit apo lagjes urbane.
3. Rezultatet e zgjedhjeve, emrat e anëtarëve, kryetarit të këshillit lokal duhet të bëhen publike menjëherë pas tubimit zgjedhor.

#### **Neni 8**

##### **Konsultimet ndërmjet komunës dhe këshillave lokal**

1. Kuvendi i Komunës dhe Kryetari i Komunës ftojnë përfaqësuesit e fshatrave, vendbanimeve dhe lagjeve urbane, që të marrin pjesë në tubimet publike me qytetarë, në dëgjimet publike për buxhet, tubimet e rregullta publike, takimet për planifikim strategjik që organizohen nga komuna përkatësisht Kuvendi i Komunës ose Kryetari.
2. Së paku një anëtar i këshillit lokal të fshatit, vendbanimit apo lagjes urbane duhet të jetë i përfshirë në të gjitha grupet punuese komunale për planifikim të planeve urbane, zhvillimore dhe rurale që janë pjesë e lokalitetit ku ata jetojnë.
3. Kryetari i Komunës duhet që së paku të organizojë dy takime në vit me udhëheqësit e këshillave lokale. Takimet duhet të mbahen së paku një herë në gjashtë muaj. Për rendin e ditës duhet të konsultohen edhe udhëheqësit e këshillave lokale.
4. Kuvendi i Komunës mund të kërkojë një opinion nga këshilli lokal i fshatit, vendbanimit apo lagjes urbane, në çështje të caktuara me interes për komunitetin.

#### **Neni 9**

##### **Bartja e aktiviteteve nga komuna te këshillat lokale**

1. Me kërkesën e këshillit lokal dhe rekomandimin e Kryetarit të Komunës apo ndonjë komiteti të komunës, Kuvendi i Komunës me vendim mund të bartë disa përgjegjësi për t'i ushtruar këshillat lokale të fshatit, vendbanimit dhe lagjes urbane. Aktivitetet që mund të transferohen duhet të jenë në kompetencë ekskluzive vetanake të komunës.
2. Këshilli lokal i fshatit, vendbanimit dhe lagjes urbane duhet të konsultohet dhe pranojë bartjen e aktiviteteve nga komuna në këshillin lokal.

3. Në rast të bartjes së aktiviteteve nga komuna në këshillin lokal, komuna ofron mbështetje dhe burime të mjaftueshme për fshatrat, vendbanimet dhe lagjet urbane me qëllim të përmbushjes së përgjegjësisë së bartur.

#### Neni 10

##### Roli, detyrat dhe përgjegjësitë e këshillave lokale

1. Këshilli lokal i fshatit, vendbanimit apo lagjes urbane mund të takohet në çdo kohë për të shqyrtuar çështjet në interes të lokalitetit si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal i fshatit, vendbanimit apo lagjes urbane, organizon, përcjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, Kryetarin e Komunës, komitetet dhe drejtoritë komunale.
3. Këshilli lokal i fshatit, vendbanimit apo lagjes urbane duhet të informojë komunën për kohën dhe agjendën e takimeve. Zyrtarët komunal mund të marrin pjesë në takimet e organizuara nga këshillat lokale.
4. Takimet e qytetarëve mund të organizohen me iniciativën e këshillit lokal të fshatit, vendbanimit apo lagjes urbane.
5. Këshilli lokal mund të ndërmarë aktivitetet të cilat në veqanti ndikojnë në:
  - 5.1. zhvillimin lokal ekonomik të qëndrueshëm të lokalitetit;
  - 5.2. planifikimin urban dhe rural të lokalitetit;
  - 5.3. mbrojtjen e mjedisit lokal të lokalitetit;
  - 5.4. ndihmon në rritjen e efikasitetit në ofrimin e shërbimeve publike komunale brenda lokalitetit;
  - 5.5. siguron të dhënat elementare për çdo familje të lokalitetit përkatës, përcjell gjendjen e tyre ekonomike, sociale dhe jep rekomandime, propozime për mbështetje të këtyre rasteve;
  - 5.6. mirëmbajtjen e varrezave dhe hapësirave publike të gjelbëruara;
  - 5.7. zhvillimin e turizmit;
  - 5.8. organizimin e aktiviteteve kulturore dhe sportive;
  - 5.9. bashkëpunimin me organet e komunës dhe organizata të tjera të shoqërisë civile për çështjet me interes për lokalitetin;
  - 5.10. organizimin e aksioneve vullnetare në interes për lokalitetin;
  - 5.11. zbaton aktivitetet që janë të bartura, sipas procedurave në nenin 8 të kësaj rregulloreje.



6. Këshillat lokale të fshatrave, vendbanimeve dhe lagjeve urbane kanë të drejtë të bashkëpunojnë në mes veti në territorin e komunës përkatëse.
7. Këshillat lokale mund t'i parashtrojnë organeve të kuvendit, pyetje me shkrim për çështje të ndryshme në interes të lokalitetit, kurse organet e komunës brenda afatit 30 ditësh i përgjigjen këshillit lokal.

#### **Neni 11**

##### **Roli i kryetarëve të këshillave lokale**

1. Kryetari i këshillit lokal përfaqëson fshatin, vendbanimin apo lagjen urbane në konsultimet dhe diskutimet me organet e komunës.
2. Kryetari i këshillit lokal thërret dhe udhëheq me mbledhjet e këshillit lokal dhe kujdeset për organizimin dhe punën e këshillit lokal. Poashtu, ai i nënshkruan konkluzionet dhe propozimet e miratuara nga ana e këshillit lokal dhe është i obliguar që në afat prej 15 ditëve, nga dita e miratimit të tyre, t'i dorëzojë te Kryetari i Komunës.

#### **Neni 12**

##### **Financimi i aktiviteteve**

1. Financimi i aktiviteteve të këshillave lokale mund të bëhet nga vet banorët e fshatit, vendbanimit apo lagjes urbane, nga komuna, nga financimi i përbashkët si dhe nga donatorët, në pajtueshmëri të plotë me statutin, rregulloret komunale dhe legjislacionin e zbatueshëm në Republikën e Kosovës për menaxhim të financave publike.
2. Këshilli lokal bën raporte gjashtëmujore dhe vjetore të mjeteve të inkasuara, si dhe atyre të shpenzuara, dhe i bën ato transparente për qytetarët e atij lokaliteti si dhe para organeve komunale.

#### **Neni 13**

##### **Kompenzimi i këshillave lokale**

Kompenzimi i kryetarëve dhe anëtarëve të këshillave lokale të fshatrave, vendbanimeve dhe lagjeve urbane, përcaktohet nga Kuvendi i Komunës me vendim të veçantë.

**Neni 14**  
**Mospërbushja e përgjegjësi**

Për të gjitha aktivitetet e bartura në këshillin lokal nga Kuvendi i Komunës, këshilli lokal i fshatit, vendbanimit dhe lagjes urbane përkatëse mban obligime dhe përgjegjësi ligjore.

**Neni 15**  
**Dispozitat kalimtare dhe përfundimtare**

Në rast konflikti të dispozitave të kësaj rregulloreje me ligjin për vetëqeverisjen lokale dhe Statutin e komunës vlejnë dispozitat e ligjit dhe Statutit.

**Neni 16**

Ndryshimet dhe plotësimet eventuale në këtë rregullore do të bëhen sipas procedurës së njejtë të aprovimit të kësaj rregulloreje.

**Neni 17**

1. Kjo rregullore hyn në fuqi pas miratimit nga ana e Kuvendit të Komunës, shqyrtimit të ligjshmërisë nga organi mbikëqyrës dhe tetë ditë pas shpalljes publike në tabelën e shpalljeve ose web-faqen e komunës.
2. Pas hyrjes në fuqi të kësaj rregulloreje, komuna është e obliguar që brenda afatit gjashtë mujor të filloj me zbatimin e kësaj rregulloreje.

